

negem menatoltag taposilitji, ag nin mōgoe getoi ogtōgōlag, na tōg telimsi tlia mo oigemoan oeg-ela tapositjig nipig; ogomoltjineoei tōg tetli oegoigasig, eln tepetog mo menatohsen esgoiag ola eloeoino me oatjoiasōg,

—o—

ESGOIAGSEP OEGOGMAGEOEI

Oeli pageoimgeg teli pmiag alasotmagnega, paseg ansema migoitetasinogeg gtigi sigon pageoimgeg tan gōgoeieg telasigsep gigenagig tjilōltitig amalgeoaganigtog. Netna ola eimeg tjinemog ag tjinemtjitjig ag me epitjig maotiasenig pageoimgeg oelagoeg ilasogogotisenig. Na gato ignemagoetjig mōgoe gōgoei asgiagotigo Gato gtegig lōg paglaloltitjig tan oigmaoa mo migoitetemelin tan gōgoei telasigsep. Meageimg tan teli piami gsalogsitij ilasogog teseg lnoegatil, mōgoe milesoagen eitenog teloemg, paseg eoletjoagen ag ogoaioti, meta oen oigmatjel getmetemotj osolieoetjitem iamotj pa na oegaigotatitjig oigmaoigtoga. Na nin telei. golaman getjito na. Nin Aietj.

—o—

SOEL

Etog oeli alasotmeoinoin?—Soel eta.—Mo gtleio Soel, oatjoi tleien; gsal Gisolg ag getlamseto; gsal gigmag ag neiato.

Etog oeli alasotman?—Soel ag soel tesigisgeg.—Mo gtleio soel, elpa oli alasotma, mo gpelato. Mōgoe soel tesigisgeg menoegeon Gisolg gteolitelemgon.

Etog tegōtemen alames? tetapotesgemen?—Soel.—Mo gtleio soel, tes tgōten tan telgitasin mo mesi tgōtemon tjel pisgoa tasigel gamlamimgel esgemenag pōgtji alamesinog.

Etog oeli ogsōtemen goeltamolting?—Soel tes.—Netna etog neoggol goeltamoltingel paseg neogte pelaton. Mo gtleio. Meloitj tes goeltamolting, ag soneoimg aniapsi tan telgitasin.

Oli gisgatjato tesigel Gisolg ag alasotmeoi Maoiōmi telgimesg; paseg "soel" telein, gisi tlimolig, gil tōg "soel" igatesg oasōg !!! netna gotjemog nagasitesg.

—o—

NTAOI GLOSIS GTOEM

Getoi gtjtjiton tan tlimolig? Gil alsomin, semi tōg ag angoeioi, oleioi ag tjetjigoaga goeseoigtoi, oelōtem ōgo ag me atji gsaloltes. Oesampesitj tjitoni, oenami tgeg angonei na goset.

Getjtj mtonapi, gitjga monsaio gpienigtog esgemenag igatoion; mogmatteio tan mōgoe nestolo, oljaga mosgatoi ngisi nestolin; mo getlamsetoleōan, gseg angapten etog nat gōgoei amsaliag iltagatigenigtog; mo mitjisiaoan, nipitel angaptemoi, tjiptog gesinogoigel, getjiton metoeg na, nin ma gisi tlimolo, sgato angamin etog isi neiataltes.

Tōgtjotetjalolan mo gtagamio, elnisitetjalolan mo gsemalio, gōgoatgamigeg mo gnagalio, mtonapigtog mo gposgi matjalio, oegainel mo gmatteio, pisianel laglansigtog mo gtaoantasoalio, mo gnagatji toalio ag nganamoio mesi tlimol geto samogoai, me sipelio tjogoatoi tepgag samogoan oetganigisgeg msigol ag tesipōoiman mo gtōgagtjtjjoatio, plos ag piseo moggeli eomo ntinigtog, gispeneian ag tegenieian tli-sip mo gsispalio, gesinogoeian gisna pisigoian mo gponalio; mo gtigalio eleeoit opitenigtog tan eoleioiteo ag pegitji nepaiteo; gil tōgagtjtjato tan teli penei.

Tan mes tlimesg nin telimol, telein olalatesg, tjel gil me atji olalsitesg.

Nin T.G.